

itzt iungst verschinner zeitt ferner ein keiserlich mandatt, welichs datum helt zu Brussel
 in Brabant des viertzehenden monatstags iulii des neun und viertzigsten iars, derer
 meinung unnd lauts bekommen, das wir gedachter universitet berurte eintausent guldein
 zusampt den hinderstelligenn zinsen der auffgerichteten stiftung nach unnd in ansehen
 5 das berurter innehaber unser brieff unnd siegel als burger und einwoner der aldenstatt
 Magdeburg in des reichs achterclerung gefallen unnd also gemelte brieff und siegel ver-
 loschen und cassirt worden, gegen geburlicher versicherung unnd billicher vergleichnis
 solten volgenn lassen alles nach besage berurts keiserlichen mandats, so haben wir
 in betracht obgemelts berichts zu voraus auch der Romischen keyserlichen maiestet
 10 unserm allergnedigsten herrenn disfals schuldigen und underthenigten gehorsam zu
 leisten unns mit berurter universitet verglichen unnd verwilligt, wie wir dan hirmit vor
 uns und unsere nachkommen uns verwilligenn unnd verpflichten thuen, zusagen unnd
 verwilligenn gemelter universitet zu Leiptzig soliche obbemelte eintausent guldein haupt-
 summa unnd sonsten niemandes anders zu reichen unnd die zinß als funfftzig guldein
 15 nuhn kunfftig uff die obgenante gewonliche termin ierlichen bis das wir die hauptsumma
 abelegen volgen zu lassen unnd zu entrichtenn, idoch unterschiedlich unnd derer ge-
 stalt, das unns gemelte universitet hiergegen unnd widerumb irem hieruber gegebenen
 versiegelten revers nach dieser sachenn halb gegen meniglich unnd sonderlich Hansen
 Lauen als innehabernn unserer brieff und siegel, auch den gewantschneiderenn der alten-
 20 statt Magdeburg, dieweil dieselbenn bei obberurten eintausent guldein auch einhundert
 und achtzigk guldein haben sollen, im rechten zu vertreten unnd schadloß zu haltenn
 versprechen und zugesagt unnd dasselb mit versicherung unnd verpfandung aller irer
 beweglichen unnd unbeweglichen guetter. Unnd deß zu stetter und vhester haltung
 dieser unser gegebenen verschreibung unnd bekentnus, haben wir unser statt insiegel
 25 hierunten an diesen brieff wissentlich hengen lassen, der gegeben ist zu Hall dinstags
 nach iubilate, nach Christi unsers lieben hern erlösers und seligmachers geburt im funff-
 tzeenhundert unnd funftzigisten iare ꝛc.

488.

*Die Universität bekennt, daß die zwischen ihr und Hans Lauen, Bürgern zu Magdeburg, wegen
 30 einer Summe von 1000 Gulden entstandenen Irrungen durch Vermittlung des Kaisers dahin
 beigelegt seien, daß der Rath der Stadt Halle, bei dem jene Summe niedergelegt worden, sich ver-
 pflichtet habe, der Universität eine neue Verschreibung auszustellen und auch die rückständigen
 Zinsen zu bezahlen.*

Leipzig, 1550 Mai 1.

Hdschr.: Copiale magnum T. I, fol. 157.

35 Wir rector, magistri unnd doctores der universitet Leiptzig vor uns, unser nach-
 kommen bekennen und thuen kundt idermeniglichen mit diesem offenen brieffe, das
 nachdem zwischen uns und Hans Lauen, burgern der altenstat Magdeburgk, tausent
 gulden halben, so etwan durch magistrum Iacobum Lauen, unnsrerer universitet gliede-